

ხელშეკრულება №1/108
საქონლის სახელმწიფო შესყიდვის შესახებ

ქ. თბილისი

6 აგვისტო 2019 წ.

ერთის მხრივ თბილისის სახელმწიფო სამედიცინო უნივერსიტეტი, მდებარე: ქ.თბილისი, ვაჟა ფშაველას გამზ. №33 (შემდგომში, „შემსყიდველი“), წარმოდგენილი კანცლერის, ზურაბ ორჯონიკიძის სახით და მეორეს მხრივ შპს „სივანელი“, მის: ქ. თბილისი, გლდანი-ნამალაძევის რაიონი, მიქატაძის ქ. #3/ მიქატაძის ქ.#3-ის მიმდებარედ (შემდგომში, „მიმწოდებელი“), წარმოდგენილი დირექტორის, ზურაბ ციხიშვილის სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA190003422) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1 შესყიდვის ობიექტია: სპორტული საქონელი და აღჭურვილობა (ინვენტარი) დანართი №1-ის (დანართი №1 წარმოადგენს წინამდებარე ხელშეკრულების განუყოფელ ნაწილს) შესაბამისად (CPV 37400000).

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 21946 (ოცდაერთიათასცხრასორმოცდაექვსი) ლარს.

2.2 ხელშეკრულების ჯამური ღირებულება მოიცავს მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1 მიმწოდებელმა უნდა უზრუნველყოს საქონლის მიწოდება, ხელშეკრულების ძალაში შესვლის დღიდან, ეტაპობრივად, 40 კალენდარული დღის ვადაში.

3.2 მიმწოდებელმა საქონლის მიწოდება უნდა უზრუნველყოს მისამართზე: ქ. თბილისი ვაჟაფშაველას 33.

3.3 ხუთ ადგილიანი მულტიფუნქციური სავარჯიშო ტრენაჟორის ინსტალირება/მონტაჟი მიმწოდებელმა უნდა უზრუნველყოს საჭირო მარაგნაწილებით.

4. ხელშეკრულების მოქმედების ვადა

4.1 ხელშეკრულება ძალაში შედის 2019 წლის 6 აგვისტოდან და მოქმედებს 2019 წლის 31 დეკემბრის ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. ხელშეკრულების კონტროლის პირობები

5.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

5.2 ხელშეკრულების კონტროლს, შემსყიდველის მხრიდან, განახორციელებს თსსუ-ს კანცლერის 2018 წლის 28 სექტემბრის #305/02 ბრძანებით შექმნილი კონტროლის განმახორციელებელი ჯგუფი.

5.3 შემოწმების შედეგად გამოვლენილი ნებისმიერი ნაკლის შესახებ „შემსყიდველი“ ვალდებულია დაუყოვნებლივ აცნობოს „მიმწოდებელს“. შეტყობინება შეიძლება განხორციელდეს, როგორც ზეპირად, ასევე წერილობით. სატელეფონო შეტყობინების შემთხვევაში, „შემსყიდველი“ ვალდებულია ზეპირი შეტყობინებიდან არაუმეტეს 3 (სამი) სამუშაო დღის ვადისა, წერილობით აცნობოს „მიმწოდებელს“ შესყიდვის ობიექტის ნაკლის შესახებ.

5.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის შესახებ მიღება-ჩაბარების აქტი ფორმდება ფაქტიურად მიწოდებული საქონლის დამადასტურებელი დოკუმენტის - სასაქონლო ზედნადების და თსსუ-ს კანცლერის 2018 წლის 28 სექტემბრის #305/02 ბრძანებით შექმნილი კონტროლის განმახორციელებელი ჯგუფის დასკვნის საფუძველზე.

7. ხელშეკრულების ობიექტის ხარისხი

7.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

7.2 შესყიდვის ობიექტის ხარისხი უნდა შეესაბამებოდეს შემსყიდველის მიერ განსაზღვრულ მოთხოვნებს.

7.3 დანართის 24-ე პოზიციის (ხუთ ადგილიანი მულტიფუნქციური სავარჯიშო ტრენაჟორი) საგარანტიო ვადაა 2 (ორი) წელი მიღება-ჩაბარების დღიდან.

7.4 ხელშეკრულების მოქმედების ვადაში „შემსყიდველი“ ვალდებულია, დაუყოვნებლივ აცნობოს „მიმწოდებელს“ ხარვეზის აღმოჩენის შესახებ, ხელშეკრულების 5.3 პუნქტით განსაზღვრული წესით.

7.5 შეტყობინების მიღების შემდეგ, „მიმწოდებელი“ ვალდებულია მნიშვნელოვანი დაზიანების, ხარვეზების გამოვლენის შემთხვევაში, საკუთარი ხარჯებით უზრუნველყოს საქონელზე გამოვლენილი ნაკლის აღმოფხვრა (საჭიროების შემთხვევაში ახლით შეცვლა), შეტყობინებიდან 10 (ათი) კალენდარული დღის ვადაში. მიმწოდებელს დაეკისრება, როგორც ხელშეკრულების ობიექტის ხარვეზების აღმოფხვრა, ასევე აღნიშნული ხარვეზების შედეგად შემსყიდველისა და მესამე პირებისთვის მიყენებული ზიანის ანაზღაურება.

7.6 თუ „მიმწოდებელი“, ხარვეზის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული ხარვეზების გამოსწორება.

8. ანგარიშსწორების ფორმა, გრაფიკი (ვადები)

8.1 „მიმწოდებელთან“ ანგარიშსწორება განხორციელდება ლარში.

8.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

8.3 წინასწარი ანგარიშსწორება გათვალისწინებული არ არის.

8.4 ანგარიშსწორება განხორციელდება ეტაპობრივად. მიმწოდებლის მიერ ფაქტიურად მიწოდებული შესყიდვის ობიექტის დამადასტურებელი დოკუმენტის - მიღება-ჩაბარების აქტის საფუძველზე, შემსყიდველის მიერ საგადასახადო ანგარიშ-ფაქტურის (იმ შემთხვევაში თუ მიმწოდებელი არის დღგ-ს გადამხდელი) დადასტურების დღიდან - არაუგვიანეს 15 (თხუთმეტი) სამუშაო დღის ვადაში.

8.5 ეტაპობრივად ანგარიშსწორების შემთხვევაში, ანგარიშსწორების პირველ ეტაპზე მიმწოდებელს დაუკავდება ხელშეკრულების ღირებულების 10%, რომელიც ანაზღაურდება საბოლოო ანგარიშსწორებისას.

8.6 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

9. მხარეთა უფლება-მოვალეობანი

9.1 „შემსყიდველს“ უფლება აქვს:

- შეამოწმოს მიწოდებული შესყიდვის ობიექტის შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა, მიმწოდებლის მიერ, ხელშეკრულების პირობების დაცვაზე.
- უარი თქვას უხარისხო შესყიდვის ობიექტის მიღებაზე.

9.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტის მიწოდებასთან დაკავშირებული ყველა განსაკუთრებული გარემოების შესახებ.
- მოახდინოს ანგარიშსწორება „მიმწოდებელთან“, ხელშეკრულებით გათვალისწინებული პირობების შესაბამისად;
- დაიცვას ხელშეკრულებით გათვალისწინებული ყველა პირობა.

9.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული პირობებით.

9.4 „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების პროცესში შეფერხების შესახებ.
- დაიცვას ხელშეკრულებით გათვალისწინებული ყველა პირობა.

10. მხარეთა პასუხისმგებლობა ხელშეკრულების დარღვევისას

10.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას, მოქმედი კანონმდებლობის შესაბამისად.

10.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა, ვალდებულების შესრულებისთვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

10.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლო, სახელშეკრულებო ღირებულების 10%-ის ოდენობით.

10.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,3 (ნული მთელი სამი მეათედი) პროცენტის ოდენობით, მაგრამ არანაკლებ 10 (ათი) ლარისა.

10.7 შემსყიდველი იტოვებს უფლებას, ხელშეკრულების პირობების დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება. ეტაპობრივად ანგარიშსწორების შემთხვევაში, პირგასამტეხლოს დაკავება განხორციელდება შესაბამის ეტაპზე გადასახდელი თანხიდან.

10.8 10.7 მუხლის გამოყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

11. ხელშეკრულების პირობების გადასინჯვის შესაძლებლობა

11.1 ხელშეკრულების პირობებში ცვლილება ხორციელდება ორივე მხარის მიერ ხელმოწერილი წერილობითი შეთანხმების სახით და წარმოადგენს ხელშეკრულების განუყოფელ ნაწილს.

11.2 ხელშეკრულებაში ცვლილებების შეტანის აუცილებლობისას, ის მხარე, რომელსაც სურს ცვლილების შეტანა, ვალდებულია, წერილობით შეატყობინოს მეორე მხარეს ამის თაობაზე.

11.3 ხელშეკრულების თითოეული მხარე უფლებამოსილია არ დაეთანხმოს შეთავაზებულ წინადადებას ცვლილების შესახებ.

11.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში, მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება ხელშემშლელ გარემოებებზე, მისი გამოწვევი მიზეზების და შესაძლო ხანგრძლივობის შესახებ. შეტყობინების მიმღებმა მხარემ ასევე დაუყოვნებლივ უნდა აცნობოს მეორე მხარეს თავისი გადაწყვეტილების შესახებ.

12.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით, ხელშეკრულების 11.1 პუნქტის შესაბამისად.

12.3 „შემსყიდველს“ შეუძლია შეწყვიტოს ხელშეკრულება ან მოითხოვოს ვალდებულების ნაწილობრივ შესრულება:

ა) თუ „მიმწოდებელს“ ხელშეკრულებით ან შეთანხმებით გათვალისწინებულ ვადებში არ შეუძლია მიაწოდოს შესყიდვის ობიექტი;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

12.5 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

გ) თუ „შემსყიდველისათვის“ ცნობილი გახდა, რომ დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) „მიმწოდებლის“ გაკოტრების შემთხვევაში;

ე) თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბია;

ვ) საქართველოს კანონმდებლობით გათვალისწინებულ სხვა შემთხვევებში.

12.6 12.3 ქვეპუნქტში მითითებულ შემთხვევებში „შემსყიდველი“ ვალდებულია აუწყოს მეორე მხარეს „მიმწოდებელს“ ფაქტიურად მიღებული შესყიდვის ობიექტის ღირებულება.

13. ფორს-მაჟორი

13.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევის შესაბამისი დროით, გარემოებათა დასრულების შემდეგ.

13.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე.

15.6 მხარეები ვალდებული არიან, რეკვიზიტების ცვლილების თაობაზე, მეორე მხარეს აცნობონ წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით, დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

თბილისის სახელმწიფო სამედიცინო
უნივერსიტეტი
ქ.თბილისი, ვაჟა ფშაველას გამზ. №33
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა 708 987 519

„მიმწოდებელი“

შპს „სივანელი“
ქ. თბილისი, გლდან-ნაძალადევის რაიონი, მიქატაძის
ქ. #3/ მიქატაძის ქ.#3-ის მიმდებარედ
საიდენტიფიკაციო ნომერი 400195338
სს „საქართველოს ბანკი“, კოდი BAGAGE22
ა/ა GE22BG000000007425300

თსსუ-ს კანცლერი
ზურაბ ორჯონიკიძე

შპს „სივანელი“-ს დირექტორი
ზურაბ ციხიშვილი



№	დასახელება	მწარმოებელი ქვე	მწარმოებელი	მოდელი	ტექნიკური მახასიათებლები	განზომილებები	რაიდეინობა	ერთეულის ფასი	სულ ფასი
1	სავარჯიშო პარალონი დასაფენი	ჩინეთი	Polimer	არ გააჩნია	რბილი ანტიალერგიული მასალის, ლურჯი ფერის, ზომები: 180 სმ - სიგრძე 60 სმ. - სიგანე სისქე - 10მმ წონა 250 გრ სალაშქრო ვერსია.	ცალი	15	45	675
2	კრივის სავარჯიშო მსხალი	საქართველო	შპს "სივანელი"	არ გააჩნია	ტყავის. ტომრის ზომები: 100სმ. - სიმაღლე 33სმ - დიამეტრი ცილინდრისებური ჩამოსაკიდი რკინის ჯაჭვები. სამი საკიდიტ, 80სმX3სმ ფერი: შავი	ცალი	2	350	700
3	კრივის სავარჯიშო მსხალი	ჩინეთი	OLX	არ გააჩნია	ტყავის. კრივის დასადგამი ტომრა, სავარჯიშო სიმაღლე დასადგამით 170სმ. დასადგამი 30სმ, დიამეტრი 35სმ. ცილინდრისებური. ფერი: შავი	ცალი	1	480	480
4	ჰულაჰუპი მეტალის	ჩინეთი	Bradex	არ გააჩნია	დიამეტრი რგოლის - 90სმ. მილის გარშემოწირილობა 7სმ. წონა - 1კგ.	ცალი	10	20	200
5	ჰულაჰუპი პლასტმასი	დუბაი	Bradex	არ გააჩნია	დიამეტრი რგოლის - 90სმ, მილის გარშემოწირილობა 7სმ. წონა - 700გრ.	ცალი	25	10	250
6	ტაბლო	ჩინეთი	TRX	არ გააჩნია	სტანდარტული პლასტმასის, სამ განზომილებიანი ზომები: 54სმX18სმ	ცალი	3	40	120
7	ფეხბურთის დაფა	ჩინეთი	TRX	არ გააჩნია	მწვრთნელის დაფა-ბლოკნოტი, ზომები: 40სმX20 სმ. ფერი-შავი	ცალი	1	30	30
8	კალათბურთის დაფა	ჩინეთი	TRX	არ გააჩნია	მწვრთნელის, შავი ფერის 40სმX20 სმ. სტანდარტული.	ცალი	1	30	30
9	წამზომი მსაჯის	ჩინეთი	ELOTT	არ გააჩნია	მრავალფუნქციური, 60 პოზიციანი.	ცალი	3	60	180
10	სასტვენი მსაჯის	ჩინეთი	FOX40	არ გააჩნია	სტანდარტული (მეტალის)	ცალი	7	3	21


№	დასახელება	მწარმოებელი ქვე	მწარმოებელი	მოდელი	ტექნიკური მახასიათებლები	განზომილებები	რაოდენობა	ერთეულის ფასი	სულ ფასი
11	სასტვენო (არაპროფესიონალური)	ჩინეთი	FOX41	არ გააჩნია	სტანდარტული (პლასტმასის)	ცალი	500	2	1000
12	რუპორი	ჩინეთი	Yaacheh	არ გააჩნია	50 ვატის სიმძლავრის, USB წაკითხვის ფუნქციით	ცალი	4	120	480
13	მსაჯის ბარათი	ჩინეთი	MAICCA	არ გააჩნია	უმაღლესი ხარისხის (წითელი+ყვითელი) პლასტმასის -სტანდარტული	კომპლექტი	3	15	45
14	კალათბურთის ს ბურთები	ჩინეთი	SELEX	არ გააჩნია	SELEX	ცალი	20	50	1000
15	ფეხბურთის ბურთები	თურქეთი	TRAMOND	არ გააჩნია	ტყავის,მრავალკუთხა ნაკერით, #5 FIFA-ს სტანდარტის შესაბამისი - TRAMOND	ცალი	20	35	700
16	ბადმინტონის ვალანი	ჩინეთი	YONEX	არ გააჩნია	სტანდარტული (YONEX)	ცალი	70	3	210
17	მეკარის ხელთათმანი	ჩინეთი	SELEX	არ გააჩნია	დერმატინი + ქსოვლი (სტანდარტული), ფერი: მწვანე, ზომა - L	წყვილი	5	25	125
18	აერობიკის საფეხური	ჩინეთი	POWER STEP	არ გააჩნია	მასალა პლასტმასის, ფეხის სიმაღლე - 12სმ. სიგანე - 63სმ. საფეხურის სიმაღლე 23სმ. ფერი: ლურჯი	ცალი	3	100	300
19	რაგბის ბურთები	შვეიცარია	Gilbert	არ გააჩნია	№ 5, ტყავის ნაკერით, (Gilbert-ი)	ცალი	20	40	800
20	ფრენბურთის ბურთები	იაპონია	MIKASA	არ გააჩნია	№4,5, Mikasa	ცალი	15	35	525
21	ჩოგანი მაგიდის ჩოგბურთის	ჩინეთი	DUNLOP	არ გააჩნია	პროფესიონალური, Butterfly	წყვილი	20	25	500
22	ჭადრაკის დაფა	ჩინეთი	YARNE	არ გააჩნია	ჭადრაკის დაფა პლასტმასის ფიგურებით; დაფის მასალა-ბამბუკი, ზომები: 40 x 40 სმ	ცალი	15	35	525
23	ნარდის დაფა	ჩინეთი	YARNEA	არ გააჩნია	ნარდის დაფა პლასტმასის ფიგურებით; დაფამასალა-ბამბუკი, ზომა დაკეცილ მდგომარეობაში: 30სმ X 60 სმ ზომა გაშლილ მდგომარეობაში: 60სმX60სმ	ცალი	15	70	1050

№	დასახელება	მწარმოებელი ქვე	მწარმოებელი	მოდელი	ტექნიკური მახასიათებლები	განზომილებები	რაოდენობა	ერთეულის ფასი	სულ ფასი
24	ხუთ ადგილიანი მულტიფუნქციური სავარჯიშო ტრენაჟორი	საქართველო	შპს "სივანელი"	არ გააჩნია	კომერციული ხაზის რეგულირებადი სავარჯიშო დანადგარი, მაღალი ხარისხის ფოლადის კონსტრუქცია. ფოლადის სისქე: 3მმ. ძირითადი ჩარჩოს მილკვადრატის ზომები: 10სმx5სმ. ტრენაჟორს აქვს ხუთი დამოუკიდებელი სადგური, რომელთა ჩადგმული წონა ჯამში შეადგენს 340კგ-ს. დანადგარზე არის ხუთი სავარჯიშო მოდული, რაზეც პარალელურად შეუძლია ვარჯიში ხუთ ადამიანს: ტრიცეპსის სავარჯიშო, კროსოვერი, ზურგის კუნთების სავარჯიშო, ბიცეპსის სავარჯიშო, ტრაპეციის, ზურგის კუნთების სავარჯიშო. დანადგარის ზომები: სიგრძე-450სმ, სიგანე-345სმ, სიმაღლე -230. დანადგარის წონა: 780კგ. ხუთ ადგილიანი მულტიფუნქციური სავარჯიშო ტრენაჟორის ინსტალირება/მონტაჟი მიმწოდებელმა უნდა უზრუნველყოს საჭირო მარაგნაწილებით. 5 ადგილიანი მულტიფუნქციური სავარჯიშო ტრენაჟორის ინსტალირება/მონტაჟს საჭირო მარაგნაწილებით უზრუნველყოფს შპს "სივანელი". აღნიშნული ტრენაჟორის საგარანტიო ვადა შეადგენს მიღება-ჩაბარების აქტის გაფორმებიდან 2 (ორი) წელიწადს.	ცალი	1	12000	12000
სულ:									21946

„შემსყიდველი“

თბილისის სახელმწიფო სამედიცინო უნივერსიტეტი
ქ.თბილისი, ვაჟა ფშაველას გამზ. №33
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა 708 987 519

თსუ-ს კანცლერი
ზურაბ ორჯონიკიძე



„მიმწოდებელი“

შპს „სივანელი“
ქ. თბილისი, გლდანი-ნაძალადევის რაიონი, მიქატაძის ქ. #3/ მიქატაძის ქ.#3-ის მიმდებარედ
საიდენტიფიკაციო ნომერი 400195338
სს „საქართველოს ბანკი“, კოდი BAGAGE22
ა/ა GE22BG000000007425300

შპს „სივანელი“-ს დირექტორი
ზურაბ ციხიშვილი
